



ACARA MINGGU PESTA GOTILON HKBP PANSURAN RESORT PANSURAN



MINGGU XX DUNG TRINITATIS

Tema:

**HALAK PARTIGOR I MANGOLU DO BINAHEN NI HAPORSEAONA
ORANG BENAR AKAN HIDUP OLEH RASA PERCAYANYA**

(Habakuk 2: 1-4)

Sub-tema:

**HKBP Pansuran Bersama Dalam Kebenaran Allah dan BerkatNya untuk Percaya
dalam Rencana Allah dalam setiap kehidupanNya**

PERSIAPAN IBADAH

PESTA GOTILON HKBP PANSURAN

I. Pangaradeion tu acara Minggu.

1. Pendeta, Panitia, Parhalado, titik kumpul di Tenda yang telah dipersiapkan .
2. Semua Jemaat menempati tempat duduk masing-masing yang sudah diatur oleh Panitia.
3. Jemaat yang membawa (manghuti) Tandok, duduk di tempat yang sudah ditentukan oleh Panitia
4. Acara Tor-tor, Lelang, Doorprize, dipatupa dung simpul acara Ibadah

II. Acara Prosesi.

1. Dimulai melalui Fragmen singkat tentang “Pasahat Hasil Gotilon Tu Debata
2. MC (Master Ceremony) memandu barisan prosesi memasuki ruangan ibadah dengan membawa hasil panen dan silua dari setiap lingkungan
3. Barisan prosesi memasuki ruangan ibadah:

MC: Di hamuna amanami dohot inanami, ala naeng pungaonta ma acara parminguon di Pesta Gotilon,

Petugas yang Dihunjuk (**Mangendehon**) **BE.585: 1---“Somba ma Jahowa Debatanta”**. Dan BE No... Dison adong Huboan Tuhan” Terus dinyanyikan sambil barisan tetap memasuki ruangan Ibadah)

4. *(Sesudah barisan Jemaat selesai menghantarkan hasil Panen di Altar dan berdiri menghadap jemaat, Pendeta menyampaikan salam kepada seluruh jemaat):*

Pendeta: Horas ma di hita saluhutna. Mauliate ma tapasahat tu Debata na pasaorhon hita sadarion di Pesta Gotilon HKBP Pansuran. Tapasada ma rohanta laho mamuji Ibana, jala sai dipasupasu Tuhanta ma ulaonta sadarion, bahen hasangapon di goarNa. Horas.....(**Hundul ma hita saluhutna**).

I. Ibadah Parmingguon

01. Saat Teduh diringi Musik Prelidium: (BE.566:1. “Na Badia) Oleh Tim Musik

02. Joujou tu Parsaoran dohot Debata

- U: Horas ma di hita saluhutna. Di Minggunta sadarion, tama situtu do hita mandok mauiate tu Debata, disaluhut pandonganion dohot pangaramotion ni Debata di sude pardalanan ni ngolunta, jala di ari sadarion diloas Debata huria-Na HKBP Pansuran, patupahon Pesta Gotilon, dalam manghalashon pasu-pasu dohot denggan basa ni Jahowa dibagasan ngolunta.
- H: *Puji ma Jahowa ale tondingku, jala unang tung halupahon denggan ni basaNa sudena.*
- U: Topik ni Minggunta sadarion, ima: “*HALAK PARTIGOR I MANGOLU DO*”. Marojahan tu topik minggu i, tasomba ma Debata dibagasan hatigoran marhitehite parsauranta nang pamujionta di Pesta Gotilon sadarion.
- H: *Tahamauiatehon ma denggan basa dohot asi ni roha ni Debata naung marmuduhon ngolunta.*
- U: Mauiate ma di Debata na pasaorhon hita sadarion di bagasan las ni roha, tapuji jala tapasangap ma Ibana.

03. Marende Huria BE. 581 : 1 + 3 “Sangap di Jahowa” BL. 581.

1. *Sangap di jahowa na sun timbul i, balga ni holongNa ndang tarasam i. Di lehon AnakNa na sasada i, manobus hita jolma pardosa i. **Puji ma Debata ale manisias, las roham las roham somba ma Debata. Dapothon Jahowa na sun timbul i, marhite AnakNa Tuhan Jesus i***
3. (**Jongjong**) *Balga situtu pambaenMi Debata, tung so hasuhatan holong ni rohaM. Tu jolma pardosa asi do rohaM, di ungkap Ho dalam lao tu banuaM. **Puji ma Debata...***

04. Votum Introitus

- U: Marhitehite Goar ni Debata Ama dohot Goar ni AnakNa Tuhan Jesus Kristus dohot Goar ni Tondi Porbadia, na tumompa langit dohot tano on.
- H: *Amen*
- U: Pos situtu do rohangku, manang hamatean, manang hangoluan, manang angka surusuruan ni Debata, manang harajaon, manang hagagoon, manang

angka na ro sogot, ndang tarbahen i manirangi hita sian haholongon ni roha ni Debata, marhitehite Kristus Jesus Tuhanta i.

H: *Pinuji ma Debata, Ama ni Tuhanta Jesus Kristus, naung umpasupasu hon tu hita ragam ni pasupasu partondion marhite holong ini rohaNa, sian banuaginjang di bagasan Kristus.*

U: Ida ma sai nolnol do mata ni Jahowa tu angka na manghabiari Ibana, angka na manghalungunhon asi ni rohaNa.

H: *Sai dihalungunhon rohanami do Jahowa. Ibana do panumpahi dohot lombulombunami.*

U: Bongoti hamu ma angka bahalNa marhitehite hamauliateon, angka alamanNa marhitehite pujipujian, mauiate ma rohamuna tu Ibana, puji ma goarNa. **Haleluya**

H: *(Mangendehon) Haleluya.....Haleluya.....Haleluya.....*

U.1: **Martangiang ma hita:**

Ale Tuhan Debata, Pargogo na so hatudosan! Sai lehon mat u hami haporseaon na mangolu, asa tongtong hami porsea di AnakMu, Tuhan Jesus Kristus Tuhannami. Tompa ma roha na ias di bagasan hami, jala paimbaru rohanami jala pasintong. Sai pahot ma haporseaonnami, asa hot jala sonang rohanami mamuji pasangaphon GoarMu. Ale Tuhan Debata Amanami mandok mauiate do hami tu Ho, di sude denggan ni basaM. Tung so tarasam do angka pambahenanMu, na mandongani dohot na mamasu-masu sude hami ruasMon. Sadarion dilehon Ho do las ni roha tu huriaM HKBP Pansuran, boi patupahon Pesta Gotilon, Tu Ho do hami pasahathon parsombaon nami, ala sian tingki tu tingki, lam mangerbang huriaMon dohot panghobasionNa. Dilehon Ho do sada ni roha di ruas ni huriaM, jala didongani Ho do nang angka parhalado laho marhalado di huriaM. Antong sai pasupasu ma huriaMon, asa lam marmulia goarMu ditongatonga ni huriaM, dibagasan goar ni anakMu Tuhan Jesus Kristus Sipalua hami. Amin.

-----*hundul*-----

05. Marende Huria BE.470: “Jesus Ho Nampuna au” BL. 317.

1. *Jesus Ho nampuna au, dohot na adong di au. Gogo dohot hosangki, sahat ma tu tanganMi.*

06. Patik

U.1: Patik ni Debata di mingguntarion i ma na tarsurat sian Heber 10:38 songon on ma didok disi:

Alai sian haporseapn ma mangolu partigor i; jala ndang lomo rohangKu di halak na sumurut". I ma sahatna.

U.2: *Antong, rap mangido gogo ma hita tu adopan ni Debata hombar tu Patik i.*

U+H: Ale Tuhan Debata! Sai pargogoi ma hami mangulahon na hombar tu patikMi. Amen.

07. Marende Huria BE. 411 : 1 + 3 "Nang pe rara dosamu" BL.274

1. Nang pe rara dosamu ias dibaen mudarhu / Nang pe rara dosamu ias dibaen mudarhu / Na dapdap songon hasumba songon itak do / Nang pe rara dosamu, nang pe rara dosamu, ias dibaen mudarhu, ias dibaen mudarhu.

3. (Jongjong) SesaonNa dosamu, ndang dibaloshon tu ho / SesaonNa dosamu, ndang dibaloshon tu ho / Tu Jesus ro, ho na loja, disi sabam ho / Sesaonna dosamu, sesaonna dosamu, ndang dibaloshon tu ho, ndang dibaloshon tu ho.

08. Manopoti Dosa

U: Tatopoti ma dosanta na godang i tu adopan ni Debata, **martangiang ma hita:** Ale Tuhan Debata, pargogo na so hatudosan jala Amanami! Hujou hami do GoarMu na badia i, ala na targogot hami marningot dosanami. Sai marasi ni roha ma Ho mida hami on.

H: *(Mangendehon) BE.683 : 3 "DiadopanMu Jesus"*

Di adopanMu Jesus tarsolsol bagi rohangkon. Muba ma au tu jolo on di adopanMu Jesus.

U: O, Tuhan Jesus Kristus, Anak ni Debata na gabe jolma ala ni hami, na mate jala na hehe sian na mate, na manaek tu banua ginjang do Ho mangondihon hami! Asi ma roham di hami, sai patongtong ma di hami roha hamauliateon tu Ho. O, Tondi Parbadia, pangapul di na marsak roha, pamalum ma saluhut na bernit, binehen ni dosanami! Ro ma Ho mangingani hami, asa marlas ni roha hami mangulahon lomo ni rohaM. Ho do parhitean ni nasa asi ni roha, sai unang tulak hami. Sai tangihon ma hami, Ho ale Debata, Sama, Anak dohot Tondi Parbadia. Amen

H: *(Mangendehon) BE.172 : 2 "O Jesus Panondang" BL.143*

Sesa ma dosangku ale Tuhanki, ala ni mudarMu na nilehonMi, Asal ma rohangku salelengna i, ingot di hansitMu dohot mudarMi.

U: Tabegema bagabaga ni Debata taringot tu hasesaan ni dosanta: Satongkin do hutadingkon ho, alai papungupunguonKu ma ho muse marhitehite angka asi ni roha godang! Tagan di parpiar ni murukHu hutabunihon bohingKu satongkin maradophon ho, alai marhitehite denggan basa salelenglelengna asianHu ho, ninna Jahowa Sipalua ho. **Hasangapon ma di Debata na di ginjang.**

U+H: Amen.

09. Marende Huria BE. 178: 1 “Ro ma Tu Jesus” BL. 196.

1. *Ro ma tu Jesus, ro ma tibu, bege hataNa, janghon burju. Na ro do Jesus pangoluho, asa porsea ho. Mansai las rohanta i muse, molo ias sian dosa pe. Sai ro ma hita tu surgoi, laos sonang ma disi.*

10. Epistel

U.1: Hata ni Debata Turpuk Epistel di Minggunta sadarion, ima tarsurat di **Rom 1 : 16 – 17**, marsorinsorin ma hita manjahasa:

Ai ndang na huhailahon Barita na Uli i, ai hagagoon ni Debata do i paluahon nasa na porsea, halak Jahudi jumolo, dungi dohot do halak Gorik.

H: *Ai dipapatar do disi hatigoran ni Debata, na sian haporseaon tu haporseaon, hombar tu na tarsurat hian: “Na mangolu do partigor i hinorhon ni haporseaonna.”*

U.2: **Ima sahatna.** Martua do angka na tumangihon Hata ni Debata jala na umpeopsa.

U+H:Amen

11. Marende BE.467 : 1+4 “Asi ni roham hupuji” BL.315

1. *Asi ni rohaM hupuji ala Ho manobus au / Di paias Ho rohangku, gabe soranganMu Au / InananMu rohanami, TondiMi manggohi i / Pangke dohot ngolunami gabe ulaulaMi*

4. **(Jongjong)** *Sai papulik rohanami gabe pangoloi di Ho / Asa marsahala hami lao mangkatindangkon Ho / InananMu rohanami, TondiMi manggohi i / Pangke dohot ngolunami gabe ulaulaMi*

12. Manghatindanghon Haporseaon

U.1: Tahatindanghon ma haporseaonta i, songon na hinatindanghon ni donganta sahaporseaon di sandok portibi on, rap ma hita mandok:

U+H: *Ahu porsea di Debata Jahowa,.....d,u*

(*..hundul..*)

Koor : Parompuan Gabungan; Parhalado rap keluarga

13. Tingting :

Koor : RNHKBP

Koor : Lingkungan: a..., b..., c...

Koor : Mannen Agave

**14. Marende Huria BE. 248: 1 - 5 “Saleleng ho di tano on” BL.18
(Pasahathon Pelean I A dohot I B)**

*1. Saleleng ho di tano on patigor ma roham / Paingotingot ma tongtong nidok
ni Debatam*

----Musik / Organ ---

*2. Sai songon hau na denggan do ramos parbue ni / Bulungna pe na uli do antong
sai tiru i*

----Musik / Organ ---

*3. Godang do hinauli ni aek mata i tongtong / Pasuman ma dirim tusi sai baen
roham sintong*

----Musik / Organ ---

4. Bolongkon sian rohami luhut na so ture / Alai na sian Tuhan i ramoti ma sude

----Musik / Organ ---

*5. Sai tiru Tuhan Jesus i naung ro humophop ho / PambaenNa nang hataNa i
hangoluanmu do*

15. Jamita : Habakuk 2:1-4

16. Marende Huria BE. 712: 1 “Togu ahu ale Jahowa”

*1. Togu au ale Jahowa di dalan na rodop on. Ho do na tongtong satia togu au
na gale on. Sagu-sagu hangoluan sai pabosur tondingkon, sai pabosur
tondingkon.*

**17. Manghamauliateon Saluhut naung gotilon dohot silua dohot
Manangianghon Boni naung pinasahat ni Ruas Huria**

Pdt: Hamu ruas ni huria na nihaholongan ni Tuhanta Jesus Kristus! songon dalan
laho manghalashon dohot manghamauliatehon denggan basa ni Jahowa.
Nunga itajalo denggan basa dohot asi ni roha sian Jahowa. Taokuhon do,
saluhutna silehonlehon na denggan, nasa ulibasa na mauliutus, ima na ro

sian ginjang. Dilehon do di hita parbue ni angka ulaonta. Saluhutna i nunga tajalo sian Jahowa. Antong nda tama ma hita mandok maulite tu Debata.

H: *Mauliate ma di Ho Tuhan, naung mangalehon parbue ni angka ulaonnami.*

Pdt: Didok hata ni Debata: Ingkon buatonmu ma sian patumonaan ni sandok parbue ni tano i, na dapot ho sian tanomi, naung nilehon ni Jahowa, Debatam tu ho, jala pamasuhonmu do i tu bagasan ampang, jala boanonmu do i tu inganan sipilliton ni Jahowa, Debatam bahen inganan di Goarna. Ingkon burju do lehononmu parpuluhan sian nasa gogo ni tano, boni sinaburhonmi, sian saluhut na tubu di tanomi ganup taon. (5Musa 26:2)

H: *Mauliate ma di Ho Tuhan, naung mangalehon parbue ni angka ulaonnami. Hupasahat hami ma i bahen pelean na hushus di joloM.*

Pdt: Huria na hinaholongan di bagasan Krsitus Jesus. Di minggunta sadarion, patupaonta do tong lao manangiangkon boni. Paingothon hita do ulaon on, paboa ndada ala ni gogonta manjadi saluhut na taula, alai na ro ma hita tuadopan ni Debata pasahathon nasa hadirionta di na laho mangula ulaonta i. Na ro ma hita tu adopan ni Debata asa Ibana na mandongani, mangurupi,manumpahi di nasa ulaonta i, jala mamasumasu boni na laho sisuaonontatu ganup haumanta be. Antong, tatangihon ma Hata ni Debata, pasinghophon dohot padasiphon, huhut patoguhon rohamuna manabur boni i: Onpe, saleleng adong tano on, ndang jadi mansohot saburon dohot gotilon, ari ngali dohot ari las, ari logo dohot rondo ni ari, arian dohotborngin. (1 Musa 8:22), Manang ise na mangula tanona, bosuran do ibana di sipanganon; alai manang ise na mangolo-oloi marlangge-langge, bosuran do ibana dihapogohon. (Poda 28:19), Dung i bahenonku ma nasida dohot angka na humaliang dolokdolokku gabe pasupasu, jala ahu parohon udan di tingki halehetanna, gabe angkaudan parpasupasan do i. Jala lehonon ni hau di ladang do parbuena, jala lehonon ni tano i do gogona, jala marsonangsonang nasida di tanonasida i, asa tung ditandanasida ahu do Jahowa. (Hesekiel 34: 26-27a)

H: Ale Tuhan, sai asi ma rohaM, sapala naung diloas Ho hami mangudutiulaonnami di hauma nang di porlak name be, sai paborhat ma hamidibagasan pos ni roha dohot panghirimon na togu. Pasupasu jala ramotima hami laho mangelahonsa, pasupasu ma nang na niula nami.

Pdt: Mangasahon asi ni roha ni Debata Ama dohot Jesus Kristus dohot TondiParbadia do au mandok tu hamu “Pos ma rohamu, ulahon hamu ma

tano i, ai sian Jahowa sitompa langit dohot tano on do ro pangurupion tu hamu”

Pdt. Antong dibagasan roha na mandok mauiate tu Debata, tapuji ma Ibana, taendehon ma **BE No. 575 “Puji Ma Debata Na songkal”**, jala tapasahat ma peleana dibagasan las ni roha.

H: Mangendehon BE No. 575 “Puji Ma Debata Na songkal”
(Huhut Pasahat Pelean II tu jolo)

Puji ma Debata na songkal, pasangap ma goarNa
Puji ma angka rura dohot lung, angka dolok na timbo
Dohot hasak ni galumbang sude mamuji Ho.
Langit i na mansai hembang bintang i
Na mansai torang ombun i na mansai saksak
Pasangaphon Ho o Debata
Tung so olo tading au, lao mamuji Ho Tuhan
Nasa gogo bahenonku, lao pasangaphon Ho
Ro di ujungni ngolungku, sai pujionku Ho

18. PASAHATHON PELEAN DOHOT SILUA:

U: Huria ni Tuhanta, Hata ni Tuhanta mandok: Taruhon hamu ma sintong parsampuluan i tu bagas parpeopan, asa adong bohal di bagasan jabungku, jala unjuni hamu ahu taringot tusi, ninna Jahowa Zebaot, manang so ungkaponku di hamu angka pandiloan ni langit, jala mangusehon tu hamu gabe maradu marlobilobi. (*Maleakhi 3:10*).

19. Tangiang Pelean – Tangiang Ale Amanani – Pasu-pasu

II . ACARA PESTA

- 1. KATA SAMBUTAN**
- 2. MAKAN SIANG**
- 3. ACARA PESTA GOTILON**